

Govor člana Delegacije Parlamentarne skupštine BiH u Parlamentarnoj skupštini Vijeća Evrope Gorana Milojevića na redovnom zasjedanju PS Vijeća Evrope

Strazbur, 29. juni 2006.

"Gospodine predsjedavajući, uvažene kolege, dame i gospodo

Na samom početku, želim reći da su predloženi izvještaj i rezolucija neprihvatljivi, jer sadrže netačnosti, proizvoljne konstrukcije, kontradiktornosti i jer su protklane lošim namjerama.

Ne mogu se oteti utisku da je ovo napisano u određenoj političkoj kuhinji u Sarajevu, prevedeno na engleski i samo distribuirano u Strazbur.

Sadržaj ovih dokumenata je bez imalo političkog sluha jednostran, tendenciozan i potpuno u funkciji političkih snaga koje su srušile ustavnu reformu u BiH i koje pod plastom građanskog preferiraju unitarizam, odnosno želju za dominacijom.

Također ima primjedbu na urgentnost debate. Ovo je i suviše krupno pitanje da bi se za ovako krakto vrijeme, gotovo preko noći rješavalo.

Eventualno usvajanje ovih dokumenata moglo bi izazvati nesagledive posljedice kad je u pitanju politička stabilnost u BiH i regionu.

To bi potpuno uzdrmalo temelje na kom stoji BiH - Dejtonski mirovni sporazum i generalno radikalizovalo situaciju.

Na ovo su upozorili u svojim javnim obraćanjima i predsjednik RS, Dragan Čavić, predsjednik Vlade RS, Milorad Dodik, kao i član Predsjedništva BiH Borislav Paravac, te ministra inostarnih poslova BiH, Mladen Ivanić.

Ukoliko danas budu izglasani izvještaj i rezolucija biće to šamar velikim naporima onih političkih snaga iz sva tri konstitutivna naroda koji su radili na ustavnoj reformi predhodnih godinu dana, postigavši visok stepen međusobnog povjerenja i kojima su nedostajala samo dva glasa za dvotrećinsku podršku u Parlamentu.

Ovo može poništiti sve pozitivne rezultate i potpuno unazaditi srtnje u BiH:

Pitam se kome je potrebno da je Savjet Evrope, ugledna demokratska institucija eventualnim usvajanjem ovih dokumenata, praktično produkuje novu krizu i sama nanese veliku štetu svom ugledu.

Poštovane kolege, pozivam vas da zbog svega navedenog glasate protiv ovog izvještaja i rezolucije.

Hvala!" (kraj)